

ბუნებრივი და ტექნოგენური ხასიათის  
საგანგებო სიტუაციებზე ქობულეთის  
მუნიციპალიტეტის რეაგირების  
გეგმა

## შესავალი

### გეგმის საფუძველი

1. საქართველოს კანონი „ბუნებრივი ტექნოგენური ხასიათის საგანგებო სიტუაციებისაგან მოსახლეობისა და ტერიტორიის დაცვის შესახებ“. 2007 წლის 08 ივნისი.
2. საქართველოს პრეზიდენტის 2008 წლის 26 აგვისტოს № 415 ბრძანებულება „ბუნებრივი და ტექნოგენური ხასიათის საგანგებო სიტუაციებზე ეროვნული რეაგირების გეგმის დამტკიცების შესახებ.“
3. საქართველოს ორგანული კანონი „ადგილობრივი თვითმმართველობის შესახებ“.
4. საქართველოს პრეზიდენტის 2010 წლის 2 სექტემბრის №707 ბრძანებულება „საქართველოს საფრთხეების შეფასების 2010-2013 წლების დოკუმენტების დამტკიცების შესახებ.“

### გეგმის დანიშნულება და მიზანი

ბუნებრივი და ტექნოგენური ხასიათის საგანგებო სიტუაციებისაგან მოსახლეობისა და ტერიტორიის დაცვა, საგანგებო სიტუაციების თავიდან აცილებისა და ამ სიტუაციიდან გამომდინარე შედეგების სალიკვიდაციო ღონისძიებების ორგანიზება. შეტყობინებისა და კავშირგაბმულობის სისტემის მუდმივი მზადყოფნა. საფრთხეში მყოფი და დაზარალებული მოსახლეობის ევაკუაცია, განთავსება და სასიცოცხლო უზრუნველყოფა. მცენარეების, ცხოველების, სურსათის, წყალსაცავებისა და წყალმომარაგების სისტემების დაცვა. მასიური მოწამვლებისა და დაავადებათა კონტროლი. ხანძრის ქრობის ორგანიზებისა და ასევე სამრეწველო და სოციალური დანიშნულების ობიექტების სტაბილური ფუნქციონირების (მდგრადობის) უზრუნველყოფის ხელშეწყობა.

### მუნიციპალიტეტის მოკლე დახასიათება

ქობულეთის მუნიციპალიტეტი მდებარეობს საქართველოს სამხრეთ-დასავლეთ ნაწილში, მას აღმოსავლეთიდან ესაზღვრება ხელვაჩაურის მუნიციპალიტეტი, სამხრეთით - შუახევის მუნიციპალიტეტი, დასავლეთით - შავი ზღვა, ხოლო ჩრდილოეთით ოზურგეთის მუნიციპალიტეტი.

ქობულეთის მუნიციპალიტეტი:

ფართობი - 720 კვ.კმ

სასოფლო-სამეურნეო სავარგული - 19 595 ჰა

საძოვარი - 6500 ჰა

მოსახლეობა - 94684 ადამიანი

დასახლებული პუნქტი (მ.შ. 1 ქალაქი - ქობულეთი) 2 დაბა, 48 სოფელი.

ტყეები - 23 720 ჰა

სახელმწიფო ნაკრძალი - კინტრიშის სახელმწიფო 13 899 ჰა, მტირალას ეროვნული

პარკი 16 000, ისპანის აღკვეთილი 770 ჰა.

მდინარეები: კინტრიში 45 კმ, ჩაქვის წყალი 22 კმ, ჩოლოქი 24 კმ, დეხვა 25 კმ, აჭყვა 19 კმ.

### რისკების შეფასება

ქობულეთის მუნიციპალიტეტის ძირითადი რისკების ფაქტორია მეწყერი, ზვავი, ღვარცოფი, მიწისძვრა, დატბორვა.

ძლიერმა წვიმებმა და თოვლის დნობამ შეიძლება გამოიწვიოს მეწყერები, ღვარცოფები, წყალდიდობები, მდინარეების კალაპოტიდან გადმოსვლა. რაც გამოიწვევს

მოსახლეობის, კერძო სექტორის, სასოფლო-სამეურნეო სავარგულების დატბორვას, მცენარეთა და ცხოველთა განადგურებას, გზებისა და კომუნიკაციების მოშლას, კომუნიკაციების, ინფრასტრუქტურული ობიექტების მწყობრიდან გამოსვლას.

### გეგმის ძირითადი ნაწილი საგანგებო დახმარების ფუნქციები

1. საგანგებო მართვის უზრუნველყოფა;
2. კავშირგაბმულობისა და შეტყობინების ღონისძიებათა უზრუნველყოფა;
3. მოსახლეობის ევაკუაციის უზრუნველყოფა, თემისა და მოხალისეების მობილიზება;
4. საძიებო-სამაშველო, საავარიო-სამაშველო, აღდგენითი-სამაშველო სამუშაოების და ხანძარსაწინააღმდეგო უზრუნველყოფა;
5. სატრანსპორტო უზრუნველყოფა;
6. სამედიცინო უზრუნველყოფა;
7. ენერგო-მომარაგებით უზრუნველყოფა;
8. მცენარეთა და ცხოველთა დაცვის უზრუნველყოფა;
9. საზოგადოებრივი წესრიგის დაცვის უზრუნველყოფა;
10. მატერიალურ-ტექნიკური უზრუნველყოფა;
11. კომუნალური მომსახურება და საინჟინრო უზრუნველყოფა.

### საგანგებო სიტუაციებზე რეაგირება

საგანგებო სიტუაციის შესახებ ინფორმაციის მიღებისთანავე შტაბის უფროსი (ქობულეთის მუნიციპალიტეტის გამგებელი) იწვევს შტაბს. საგანგებო სიტუაციებზე პირველად რეაგირებას ახორციელებს ქობულეთის მუნიციპალიტეტის გამგეობის ხანძარსაწინააღმდეგო სამსახური, რომელიც ოპერატიული ინფორმაციის მიღებისთანავე ახორციელებს შესაბამის რეაგირებას, მას გააჩნია ასევე დაზვერვის ფუნქცია.

საგანგებო სიტუაციის ადგილიდან მიღებული ინფორმაციის საფუძველზე საგანგებო შტაბი გეგმავს გასატარებელ ღონისძიებებს და გასცემს შესაბამის დავალებებს.

საგანგებო სიტუაციის რაიონში (ადგილზე) იმდება საველე ოპერაციების ცენტრი, რომელსაც ხელმძღვანელობს ქობულეთის მუნიციპალიტეტის გამგეობის ხანძარსაწინააღმდეგო სამსახურის უფროსი. საველე ოპერაციების ცენტრში იქმნება:

- კავშირგაბმულობის უზრუნველყოფის ჯგუფი;
- სამაშველო ოპერაციების ჯგუფი;
- ინფორმაციისა და მედიის ჯგუფი;
- ლოჯისტიკის ჯგუფი.

### რეაგირების ორგანო

#### საგანგებო შტაბი და მისი შემადგენლობა:

შტაბის უფროსი – ქობულეთის მუნიციპალიტეტის გამგებელი;

ქობულეთის მუნიციპალიტეტის გამგებლის მოადგილეები;

ქობულეთის მუნიციპალიტეტის გამგეობის ადმინისტრაციული სამსახურის უფროსი;

ქობულეთის მუნიციპალიტეტის გამგეობის ხანძარსაწინააღმდეგო სამსახურის უფროსი;

ქობულეთის მუნიციპალიტეტის გამგეობის საფინანსო სამსახურის უფროსი;

ქობულეთის მუნიციპალიტეტის გამგეობის სამხედრო აღრიცხვის, გაწვევისა და მობილიზების სამსახურის უფროსი;

ქობულეთის მუნიციპალიტეტის გამგეობის არქიტექტურისა და სივრცითი მოწყობის სამსახურის უფროსი;

ქობულეთის მუნიციპალიტეტის გამგეობის ზედამხედველობის სამსახურის უფროსი;

ქობულეთის მუნიციპალიტეტის გამგეობის იურდიული სამსახურის უფროსი;

ქობულეთის მუნიციპალიტეტის გამგეობის ჯანმრთელობისა და სოციალური დაცვის სამსახურის უფროსი;

ქობულეთის მუნიციპალიტეტის გამგეობის ეკონომიკის, ინფრასტრუქტურისა და საინვესტიციო განვითარების სამსახურის უფროსი;

ქობულეთის მუნიციპალიტეტის გამგეობის კულტურის, განათლების, სპორტის, ტურიზმის, ახალგაზრდულ საქმეთა და ძეგლთა დაცვის სამსახურის უფროსი;

შ.ს.ს. ქობულეთის რაიონული სამმართველო უფროსი;  
სს „ენერჯო-პრო ჯორჯია“-ს ქობულეთის მომსახურების ცენტრის მენეჯერი;  
შ.პ.ს. „სილქნეტი“-ს ქობულეთის განყოფილების უფროსი;  
აიპ „ქობულეთის გამწვანები“-ს უფროსი;  
სოციალური სუბსიდიების სააგენტოს ქობულეთის ფილიალის უფროსი;  
შ.პ.ს. „ქობულეთის რაიონული საავადმყოფოს“ ხელმძღვანელი;  
შ.პ.ს. „სოფლის წყალი“-ს დირექტორი;  
ქობულეთის სატყეო მართვის განყოფილების ხელმძღვანელი;  
შ.პ.ს. „ტრანსრეგულირება“-ს დირექტორი;  
შ.პ.ს. „ბათუმის სანდასუფთავების“ ქობულეთის სამსახურის უფროსი;  
ქობულეთის სურსათის უვნებლობის სამსახურის უფროსი;  
შ.პ.ს. „ქობულეთის სასწრაფო-სამედიცინო დახმარება“ –ს დირექტორი;  
არასამთავრობო სექტორის „წითელი ჯვარი“-ს წარმომადგენელი.

### **ღონისძიების გამტარებელი პასუხისმგებელი და დამხმარე სამსახურები**

**საგანგებო მართვის უზრუნველყოფა**

**ძირითადი შემსრულებელი**

საგანგებო შტაბი

**დამხმარე შემსრულებელი ორგანიზაციები:**

ქობულეთის მუნიციპალიტეტის სამსახურები

საგანგებო სიტუაციის საფრთხის არსებობის ან მისი განვითარების შემთხვევაში, საგანგებო სიტუაციასთან დაკავშირებული ამოცანების გადასაწყვეტად, საგანგებო შტაბის უფროსი - ქობულეთის მუნიციპალიტეტის გამგეობის იწვევს საგანგებო მართვის ღონისძიებების განხორციელებას, ატყობინებს შექმნილი მდგომარეობის თაობაზე დარგობრივ სამსახურებისა და შესაბამისი უწყებების პასუხისმგებელ პირებს, თავისთავად შესაბამისად შტაბის წევრებს, აცნობს მუნიციპალიტეტში შექმნილ სიტუაციას, აძლევს დავალებებს, აამოქმედებს საგანგებო სიტუაციებზე მუნიციპალიტეტის რეაგირების გეგმას.

### **კავშირგაბმულობისა და შეტყობინების ღონისძიებების უზრუნველყოფა**

**ძირითადი შემსრულებელი**

ქობულეთის მუნიციპალიტეტის გამგეობის ადმინისტრაციული სამსახური

**დამხმარე შემსრულებელი ორგანიზაციები:**

შ.პ.ს. „სილქნეტი“;  
შ.ს.ს. ქობულეთის რაიონული სამმართველო;  
ქობულეთის მუნიციპალიტეტის გამგეობის ადმინისტრაციული სამსახური;  
მობილური ოპერატორები;  
აჭარის ტელერადიო დეპარტამენტი.

უზრუნველყოფს ადგილობრივ დონეზე საგანგებო სიტუაციებში კავშირგაბმულობისა და შეტყობინების ძალების, საშუალებების მოზიდვასა და ხელმძღვანელობას, საერთო ლოკალური ქსელის შექმნას /შესაძლებლობის ფარგლებში/, ზედამხედველობასა და კონტროლს კავშირგაბმულობისა და შეტყობინების სისტემაზე, მოსახლეობის დროული შეტყობინების სისტემის შექმნის, საგანგებო სიტუაციების ზონებში საავარიო-სამაშველო,

სახანძრო-სამაშველო, საძიებო-სამაშველო და საავარიო-აღდგენითი სამუშაოების ძალების კავშირით უზრუნველყოფას, ელექტრონული საკომუნიკაციო ქსელებზე საავარიო-აღდგენითი სამუშაოების შესრულების ორგანიზებასა და კოორდინაციას სისტემის გამართულად მუშაობაზე პასუხისმგებლობას.

## **მოსახლეობის ევაკუაციის უზრუნველყოფა, თემისა და მოხალისეების მობილიზება**

### **ძირითადი შემსრულებელი**

ქობულეთის მუნიციპალიტეტის გამგეობის ჯანმრთელობისა და სოციალური დაცვის სამსახური

### **დამხმარე შემსრულებელი ორგანიზაციები:**

ქობულეთის მუნიციპალიტეტის გამგეობის სამხედრო აღრიცხვის, გაწვევის და მობილიზაციის სამსახური;

ქობულეთის მუნიციპალიტეტის გამგეობის კულტურის, განათლების, სპორტის, ტურიზმის, ახალგაზრდულ საქმეთა და ძველთა დაცვის სამსახური;

ქობულეთის მუნიციპალიტეტის გამგეობის ზედამხედველობის სამსახური;

შ.პ.ს. „სასწრაფო-სამედიცინო დახმარება“;

შ.პ.ს. „ქობულეთის რაიონული საავადმყოფო“;

სატრანსპორტო ორგანიზაცია;

დაცვის პოლიცია;

შ.ს.ს. ქობულეთის რაიონული სამმართველო;

საპატრულო პოლიცია.

მოსახლეობის ევაკუაციას, თემისა და მოხალისეთა მობილიზებას ადგილობრივ დონეზე ახორციელებს შტაბი შესაბამისი ტერიტორიული ორგანოს რწმუნებული საინიციატივო ჯგუფების მეშვეობით, რომელიც შექმნილია ადგილებზე. ასევე, შტაბი კოორდინაციას უწევს დაშავებულთა სამედიცინო დახმარებით უზრუნველყოფას და მათ გაგზავნას რაიონულ საავადმყოფოში. ორგანიზებას უწევს სახიფათო ზონიდან ევაკუირებული მოსახლეობის განთავსებას უსაფრთხო ზონაში და მათ უზრუნველყოფას სასმელი წყლით, საკვები პროდუქტებით, თბილი ტანსაცმელითა და პირველადი მოთხოვნილებების საგნებით.

## **საძიებო-სამაშველო, საავარიო-სამაშველო, აღდგენითი-სამაშველო სამუშაოებისა და ხანძარსაწინააღმდეგო უზრუნველყოფა:**

### **ძირითადი შემსრულებელი**

ქობულეთის მუნიციპალიტეტის გამგეობის ხანძარსაწინააღმდეგო სამსახური;

### **დამხმარე შემსრულებელი ორგანიზაციები:**

შ.ს.ს. საგანგებო სიტუაციების მართვის დეპარტამენტის აჭარის ა/რ სამაშველო მომზადებისა და რეაგირების სამსახური;

ქობულეთის მუნიციპალიტეტის გამგეობის ეკონომიკის, ინფრასტრუქტურისა და საინვესტიციო განვითარების სამსახური;

ქობულეთის მუნიციპალიტეტის გამგეობის ჯანმრთელობისა და სოციალური დაცვის სამსახური;

ქობულეთის მუნიციპალიტეტის გამგეობის სამხედრო აღრიცხვის, გაწვევისა და მობილიზების სამსახური;

შ.პ.ს. „სანდასუფთავება“;

შ.პ.ს. „წყალკანალი“ ;

სს „ენერჯო პრო-ჯორჯია“;

შ.პ.ს. „ ქობულეთის სოფლის წყალი“;  
ა(ა)იპ „ ქობულეთის გამწვანება“ ;  
აჭარის ა/რ საგზაო დეპარტამენტის ქობულეთის განყოფილება;  
შ.პ.ს. „ანაგი“-ს წარმომადგენლობა;  
შ.პ.ს. „ქობულეთის საგზაო“;  
ამხანაგობა „ხინო“;

- საგანგებო სიტუაციასთან დაკავშირებული ამოცანების გადასაწყვეტად ხანძარსაწინააღმდეგო სამსახური გაწერილი გეგმებით ახორციელებს სამაშველო სამუშაოებს, რაც გულისხმობს ადგილობრივ დონეზე საავარიო-სამაშველო და საავარიო-აღდგენითი ფორმირებების ჩაბმას.

- სასწრაფო დახმარების ბრიგადები პირველად სამედიცინო დახმარებას უწევენ დაშავებულ მოსახლეობას და გადაყავთ სამედიცინო დაწესებულებებში.

- ქონების მართვისა და აგრარულ საკითხთა სამსახური ახდენს ზარალის დადგენას, აღწერას, თუ რა ზიანი მოუტანა ფიზიკურ, იურიდიულ პირებს და სახელმწიფო ობიექტებს სტიქიამ.

- სამხედრო აღრიცხვისა და გაწვევის სამსახური მობილიზაციას უკეთებს რეზერვისტებს, მათგან ქმნის სამაშველო ჯგუფებს, ადგილობრივი ტერიტორიული ორგანოს ხელმძღვანელთან და საინიციატივო ჯგუფთან ერთად.

- კეთილმოწყობის სამსახური თავისი ფიზიკური და მატერიალურ-ტექნიკური საშუალებებით, უზრუნველყოფს მოსახლეობაში ფატალური /სიკვდილიანობა/ შედეგების დადგომის შემთხვევაში სპეციალურად გამოყოფილ ადგილზე დაკრძალვას, რათა თავიდან იქნას აცილებული ეპიდემიის გავრცელების საშიშროება /ქოლერა, შავი ჭირი და სხვა/, აგრეთვე ახორციელებს პირუტყვისა და ფრინველთა დასამარხი ორმოების, ტრანშეების გათხრას.

- აჭარის ა/რ საგზაო დეპარტამენტის ქობულეთის განყოფილება, ამხანაგობა „ხინო“ , შ.პ.ს „ავტოგზა“, ფიზიკურ პირთა მფლობელობაში არსებული ტექნიკა, შ.პ.ს „გზა“, საკუთარი და მუნიციპალიტეტში არსებული ტექნიკის საშუალებით უზრუნველყოფს საავარიო-გაწმენდით-სამაშველო სამუშაოების შესრულებას.

## სატრანსპორტო უზრუნველყოფა

### ძირითადი შემსრულებელი

ქობულეთის მუნიციპალიტეტის გამგეობის ქონების მართვისა და აგრარულ საკითხთა სამსახური;

### დამხმარე შემსრულებელი ორგანიზაციები:

შ.პ.ს. „ტრანსრეგულირება“;  
შ.პ.ს. „ქობულეთის ავტოსადგური“;  
შ.პ.ს „ხუტა“.

- უზრუნველყოფს საკუთარი და მუნიციპალიტეტის ტერიტორიაზე არსებული სატრანსპორტო საშუალებების მობილიზებასა და გადაანაწილებას მოთხოვნილებიდან გამომდინარე, სპეციალურად შტაბის მიერ შემუშავებული გეგმისა და მარშრუტების, სქემების შესაბამისად.

## სამედიცინო უზრუნველყოფა

### ძირითადი შემსრულებელი

ქობულეთის მუნიციპალიტეტის გამგეობის ჯანმრთელობისა და სოციალური დაცვის სამსახური;

**დამხმარე შემსრულებელი ორგანიზაციები:**

- შ.პ.ს. „ქობულეთის საავადმყოფო“;
- შ.პ.ს. „ქობულეთის სასწრაფო-სამედიცინო დახმარება“;
- შ.პ.ს. „ქობულეთის ბავშვთა საავადმყოფო“;
- შ.პ.ს. „ქობულეთის სამშობიარო სახლი“ და ტერიტორიულ ორგანოებში არსებული ამბულატორიები;
- შ.პ.ს. „ჰეკატე“;
- ს.პ.ს. „ავერსი“;
- „მწვანე ავთიაქი“;

დაზარალებულ მოსახლეობას გაეწევა პირველადი სამედიცინო დახმარება, სასწრაფო დახმარებისა და საგანგებო სიტუაციასთან დაკავშირებული საკუთარი და მობილიზებული ტექნიკით ახორციელებს სტიქიური საშიში ზონებიდან მოსახლეობის ევაკუაციას და მათ განთავსებას ჯანდაცვის ობიექტებში, ქმნის მედიკამენტების საჭირო მარაგს.

**ენერგო მომარაგების უზრუნველყოფა**

**ძირითადი შემსრულებელი**

ქობულეთის მუნიციპალიტეტის გამგეობის ეკონომიკის, ინფრასტრუქტურისა და საინვესტიციო განვითარების სამსახური;

**დამხმარე შემსრულებელი ორგანიზაციები:**

- სს „ენერგო-პრო ჯორჯიას“ -ქობულეთის მომსახურების ცენტრი;
- შ.პ.ს. „ქობულეთის ბუნებრივი აირი“-ს სამსახური;
- შ.პ.ს. „განათება“;

საგანგებო სიტუაციების პირობებში აღნიშნული სამსახურები თავიანთი ძალებით უზრუნველყოფს მოსახლეობის ელ.ენერჯისა და გაზით უწყვეტ მომარაგებას. სატყეო მეურნეობა - რეინჯერებთან, მოხალისე ჯგუფებთან ერთად უზრუნველყოფს მოსახლეობის მომარაგებას შეშით. ავტოგასამართი სადგური იღებს ვაღდებულებას აღარ ივაჭროს საცალო ვაჭრობით, შექმნას მარაგი და მოამარაგოს საჭიროების შემთხვევაში შესაბამისი საევაკუაციო სამსახურები;

**მცენარეთა და ცხოველთა დაცვის უზრუნველყოფა**

**ძირითადი შემსრულებელი**

- სახელმწიფო საქვეუწყებო დაწესებულება სურსათის უვნებლობის, ვეტერინარიისა და მცენარეთა დაცვის ეროვნული სამსახურის ქობულეთის რაიონული სამსახური;

**დამხმარე შემსრულებელი ორგანიზაციები:**

ქობულეთის მუნიციპალიტეტის გამგეობის ზედამხედველობის სამსახური;

- სურსათის უვნებლობის, ვეტერინარიისა და მცენარეთა დაცვის ეროვნული სამსახურის ქობულეთის რაიონული სამმართველო პასუხისმგებელია დაზიანებულ ცხოველთა პროფილაქტიკაზე და სამაშველო სამუშაოების ჩატარებაზე, დაზიანებულ ცხოველთა დაკვლაზე და მათი ხორცის ვეტერინალურ სანიტარულ ექსპერტიზაზე, განსაკუთრებით საშიში დაავადებების აღმოჩენის შემთხვევაში /შავი ჭირი, ქოლერა, ყვავილი, ჯიღები და სხვა/ კარანტინების მოწყობაზე, ეპიდემიური კერების ლიკვიდაციისათვის ღონისძიებების ჩატარებაზე, დეზინფექციის გატარებაზე.

- ზედამხედველობის სამსახური უწევს ზედამხედველობას სანიტარულ-ჰიგიენური კუთხით და საკვები პროდუქტების კომუნალური, სამრეწველო და საყოფაცხოვრებო ობიექტებზე ეპიდსაწინააღმდეგო, რადიოლოგიური კუთხით მოსახლეობის ინფექციური, გადამდები დაავადებების კუთხით გამოვლენას და იზოლირებას. მუდმივ კონტაქტშია რაიონული შტაბის უფროსთან.

### **საზოგადოებრივი წესრიგის დაცვის უზრუნველყოფა**

#### **ძირითადი შემსრულებელი**

შ.ს.ს. ქობულეთის რაიონული სამმართველო;

#### **დამხმარე შემსრულებელი ორგანიზაციები:**

დაცვის პოლიცია;

საპატრულო პოლიცია;

- ორგანიზებას უწევს ადგილზე წესრიგის დაცვას, რათა თავიდან აცილებულ იქნას ქაოსური უწესრიგობისა და მარადიურობის ფაქტები.

- ევაკუირებულ ზონაში სახლების, მაღაზიებისა და მატერიალურ კულტურული მემკვიდრეობის დაცვას ხელყოფისაგან.

### **მატერიალურ-ტექნიკური უზრუნველყოფა**

#### **ძირითადი შემსრულებელი**

ქობულეთის მუნიციპალიტეტის გამგეობის საფინანსო სამსახური

#### **დამხმარე შემსრულებელი ორგანიზაციები:**

ქობულეთის მუნიციპალიტეტის გამგეობის ქონების მართვისა და აგრარულ საკითხთა სამსახური, ადმინისტრაციული სამსახურის მატერიალურ-ტექნიკური უზრუნველყოფის განყოფილება;

#### **ახორციელებს:**

ა) საწვავით უზრუნველყოფას;

ბ) სარსათით უზრუნველყოფას;

გ) პურით მომარაგების უზრუნველყოფას;

დ) მედიკამენტებით უზრუნველყოფას;

ე) ტანსაცმლით მომარაგების უზრუნველყოფას /წითელი ჯვარი, არასამთავრობო ორგანიზაციები.

### **საინჟინრო უზრუნველყოფა, კომუნალური მომსახურება**

#### **ძირითადი შემსრულებელი**

ქობულეთის მუნიციპალიტეტის გამგეობის ეკონომიკური განვითარებისა და ინფრასტრუქტურის სამსახური

#### **დამხმარე შემსრულებელი ორგანიზაციები:**

შ.პ.ს. „ქობულეთის წყალი“

შ.პ.ს. „სანდასუფთავება“;

ა(ა)იპ „სოფლის წყალი“;

აჭარის ა/რ საგზაო დეპარტამენტის ქობულეთის განყოფილება

ა(ა)იპ „ქობულეთის გამწვანება“

ამხანაგობა „ხინო“.

- შ.პ.ს. „ქობულეთის წყალი“ და ა(ა)იპ „ქობულეთის წყალი“ უზრუნველყოფს სათავე-ნაგებობების დაცვას, წყლის ხარისხის დაცულობას, წყლის შეუფერხებლად მიწოდებას მოსახლეობაზე.
- შ.პ.ს. „სანდასუფთავება“, ამხანაგობა „ხინო“, აჭარის ა/რ საგზაო დეპარტამენტის ქობულეთის განყოფილება, შ.პ.ს „გზა“ , უზრუნველყოფს ნარჩენებისგან სტიქიური ადგილების დასუფთავებას. მოსახლეობის, პირუტყვის სპეციალურად გამოყოფილ ადგილებზე დამარხვას.
- შ.პ.ს. „სანდასუფთავება“, შ.პ.ს „გზა“, შ.პ.ს. „ავტო გზა“ უზრუნველყოფენ გასუფთავება-გაწმენდითი და სარეაბილიტაციო სამუშაოების ჩატარებას.

## **გეგმის დანართები**

### **დანართი №1**

მუნიციპალიტეტის საგანგებო შტაბის შეტყობინების სქემა (თანამდებობა, გვარი, სახელი, ტელეფონის ნომერი, მისამართი. დანართი ცხრილის სახით);

### **დანართი №2**

მუნიციპალიტეტის რუკა, სტიქიურად საშიში უბნების დატანით;

### **დანართი №3**

სახანძრო-სამაშველო და სხვა სამაშველო დანაყოფების (თუ არის პროფესიული რაიმე სამაშველო რაზმი) რეზერვისტები (მათი სახელობითი სია და ტელ. ნომრებით.), მოხალისეთა რაზმები ტერიტორიული ოიგენოების (სოფლების ან თემების ) მიხედვით;

### **დანართი №4**

სპეც. ტექნიკა და ტრანსპორტი (ერთვის ნუსხის სახით კუთვნილებისა და ტექნიკური მდგომარეობის მიხედვით, მესაკუთრეების მონაცემები ტელ. ნომრებით);

### **დანართი №5**

სატრანსპორტო და საინჟინრო ნაგებობების ნუსხა (მაგ. დუშეთისათვის ჟინვალის წყალსაცავი. სატრანსპორტო სტრატეგიულიად მნიშვნელოვანი გზები, ხიდები, გვირაბები, რომლის დანგრევამაც შეიძლება გამოიწვიოს რამდენიმე სოფლის მოწყვეტა და საგანგებო სიტუაცია);

### **დანართი №6**

მუნიციპალიტეტის ტერიტორიაზე არსებული საშიში ობიექტების ნუსხა ბენზინგასამართი სადგურები, მოძრავი გაზგასამართი სადგურები;

### **დანართი №7**

სამედიცინო დაწესებულებების ნუსხა (სასწრაფო 03, საავადმყოფოები, რამდენ საწოლზეა გათვლილი, რამდენ დაზარალებულს მიიღებს, ექიმთა რაოდენობა, რამდენი მანქანაა სასწრაფო დახმარების).

### **დანართი №8**

საგანმანათლებლო დაწესებულებების ნუსხა (შედის სკოლები, ბაღები, ინსტიტუტები, მათი რაოდენობა, რამდენი ბავშვია სკოლაში, ბაღში, ევაკუაციის შემთხვევაში რამდენ ადამიანს მიიღებს სკოლა ან ბაღი);

### **დანართი №9**

ევაკუაციის გეგმა (წარმოადგენს სავარაუდო გათვლებს, სად არის შესაძლებლობა განთავსდეს დაზარალებული მოსახლეობა, რამდენ ადამიანზეა გათვლილი, რა სატრანსპორტო საშუალებები და რამდენი შეიძლება მობილიზებულ იქნას) (მუზეუმებისათვისა და ისტორიული ფასეულობების გეგმები უნდა გაკეთდეს ცალკე).

### **დანართი №10**

მუნიციპალიტეტის ტერიტორიაზე დისლოცირებული ძალოვანი სტრუქტურის ქვედანაყოფები (პოლიცია, სასაზღვრო პოლიცია, თუ არსებობს, აქვთ საჭირო ტრანსპორტი);

### **დანართი №11**

მუნიციპალიტეტის ტერიტორიაზე არსებული დამცავი საშუალებები და ნაგებობები (არის თუ არა და ვის ეკუთვნის. კერძო დაწესებულებებს შეიძლება ჰქონდეთ მაგ. აირწინაღები მათი რაოდენობა, შეიძლება ბუნებრივი გამოქვაბულების გამოყენებაც);

### **დანართი №12**

საგანგებო სიტუაციების ძალებისა და საშუალებების ჩაბმის გეგმა (სახანძრო-სამაშველო სამაშველო სამსახურებს აქვთ ე.წ. „ჩაბმულობის გეგმა“);

### **დანართი №13**

მემორანდუმები სურსათით, საწვავით და მედიკამენტებით უზრუნველყოფის შესახებ;

**დანართი №14**

მიღებული გადაწყვეტილებების და გაცემული დავალებების აღრიცხვის ჟურნალი;

**დანართი № 15**

მუნიციპალიტეტის ტერიტორიაზე გამავალი სატრანსპორტო კომუნიკაციები;

**დანართი №16**

მუნიციპალიტეტის ტერიტორიაზე არსებული საინჟინრო ნაგებობები (ხიდები, გვირაბები და სხვა თუ არსებობს);

**დანართი №17**

სასმელი წყლის სათავე ნაგებობების ნუსხა;

**დანართი №18**

მუნიციპალიტეტის ტერიტორიაზე არსებული სპეციალური სატრანსპორტო საშუალებების ნუსხა;

**დანართი №19**

მომეტებული რისკის მქონე ნაგებობების ნუსხა;

**დანართი №20**

ავარიული შენობა ნაგებობების ნუსხა;

**დანართი №21**

სამოქალაქო თავდაცვის ნაგებობების ნუსხა (თუ არსებობს).